


**Carle Maurras**

# **Brèu de Memòri**



**C.I.E.L. d'Oc**

**Centre International de l'Écrit en Langue d'Oc**

3 Place Joffre, 13130 Berre L'Étang

<http://www.lpl.univ-aix.fr/ciel/>

Sègne Capoulié,

Au mes de jun 1945 quouro ai couneigu la proumièro deliberacioun counsistourialo, l'estoumagado proun pounènto fuguè lèu travessado d'un pichot sourgènt de grand gau: me creseguère que li causo s'èron debanado en Prouvènço coume à l'Acadèmi Franceso e pèr li memo resoun, lou direitou aguent di: es la lèi, ùni de nòsti coumpan aguent proununcia moun ouresoun funèbro, e pas mai! Ouperacioun quasimen autoumatico, estènt qu'uno classo de l'Istitut estancado dins l'Estat, reconeigudo e facho sieuno pèr l'Estat, ié soubravo rèn autre que l'encarta dins soun cartabèu la seguido direito de l'arrèst de la Cour qunt qué fuguèsse. — *Alors, me diguère, alègre e forço siau, es que lou Felibrige, en fin finalo, dèu èstre intra tambèn dins la cencho de l'Estat francès !... De Segur, lou nouvèu gouvèr vèn d'acourda ço que noun aviéu pousscu avera dóu gabinet dóu Manescau... Anen ! Anen ! lou diable a pancaro feni d'adurre sa pèiro !... Viro lou diable pèr lou cop... Vesès, se n'es manca de gaire que cridèsse: Viro: Mariano quatrenco ! Tout bèu just m'an pousscu faire assaupre que m'ère engana d'à founs. Et, quatecant, recomencè moun pegin d'èstre foro-bandi sènso avé baia mi resoun ?... pamen, me disiéu que li Majourau, de segur, s'èron ispira segound lou subre Bèn de la Causo o soun interès majour.*

Mai vaqui, vuei, que, segne Capoulié, me counvidas amistousamen a pouggi ma defènso dins vostre acamp de Calèndo. Vous pregue de n'en agrada moun gramaci de cor. Perço qu'es de ma responso, veici lou Brèu de Memòri que vous fuguè anouncia pèr moun nebout Jacques Maurras. Lou Majourau N... sara prega de vous l'adurre, emé l'ajudo dóu Majourau Z... pèr ço qu'aquéu Brèu fai un papafard proun long e coumo dis la cansoun dóu Marsihès Vitor Gelu.

*Pitchoun fais de lieun toujours peso !*

Veici dounc dous afaire en un. Lou proumié poulitico; l'autre coumo fau dire ? juridi ? Vague pèr juridi. Viren-lèi e reviren-lèi tóuti dous, veiren coume s'es fa que m'an coundana pèr traitige e inteligènci eme l'enemi !

## I

Acò 's couneigu, siéu toujours esta countre lis Aleman, lou proumié journau de Paris qu'ausè denoucia l'Escolo, lou partit, lou mouvamen de Hitler fuguè lou miéu journau en 1930, e *cinq més davans* l'eleicioun au Reichstad de cènt voungè hitlérien, lis armamèn e lis àutri alestimen militàri dis Aleman fuguèron tambèn coumta e publica pèr nàutri que se lagnavian dóu nescige de l'enfantoullige e de l'abèstimen di malurous que noun vesien veni l'esglàri en cantant sis endormitòri au bord dóu garagai. Adeja en 1924, pièi en 1930 e 1935, cridavian pèr fin que nòstri soudard restèsson dins la Rhur, dins la Rhenanìo de Mayenço e dins la Sarre, s'assegurèsson sus lis autour e